

鄖西縣志卷三

輿地志三

關寨

古者築關寨設險以防隘也輿圖以之固疆域以之分尤為邊隅所最要者秦建百二之雄漢列三千之眾則關若寨皆以禦侮也舊矣若鄖西僻處山陬秦豫連壤更宜築設為是

關

石溝關 縣東三十里

界牌關 縣東五十五里交鄖縣界

太陽關 縣東十里

鄖西縣志

卷三

輿地志關寨

長崗關 縣東三十五里

保安關 縣南三十里

黃龍關 縣南五十里交鄖縣界

正南關 縣南十五里

銀豆關 縣南四十五里

禦暴關 縣南三十里

雞心關 縣南二十五里

陳子關 縣南七十里

榆樹關 縣西五里

雞嶺關 縣西五十里

馬鞍關 縣西七十里



牛心關 縣西二百六十里交陝西洵陽縣界

六郎關 縣西三百六十里交陝西鎮安縣界

泥溝關 縣西二百里

烈虎關 縣西一百五十里

鎮西關 縣西三十里

大黃關 縣西一百四十里

弔橋關 縣北五十里

牛頭關 縣北八十里交陝西山陽縣界

任嶺關 縣北一百四十里交陝西山陽縣界

大南關 縣東南五里

火車關 縣東南二十五里

鄖西縣志

卷三

輿地志關寨

吉星關 縣東南二十五里

朝陽關 縣西南九十里

泥河關 縣西南六十里

板橋關 縣西南七十里

大勝關 縣西北六十里

尤槐關 縣西北二百二十里

仙河關 縣西北二百二十里

千軍關 縣西北二百二十里

李四關 縣西北八十里

蒿坪關 縣西北三百六十里

司理關 縣西北六十五里



湖北關 縣西北三百六十里

絞場關 縣西北八十里

廟川關 縣西北二百六十里

藍河關 縣西北三百里交陝西洵陽縣界

元樹關 縣西北三百六十里交陝西鎮安縣界

夾河關 縣西南一百四十里交陝西白河縣界

太平關 縣西南九十里

城墻關 縣東北九十里交鄖縣并陝西南商南縣界

按順治初年建修僅十餘關年久漸圯嘉慶中知縣孔繼  
櫛重修道光二十一年知縣翁吉士履勘地勢據險築  
修增至四十餘關無事以備譏察有事以堅防守重山

鄖西縣志

卷三

輿地志關寨

復嶺中關隘相望至今尤為扼重云  
寨

白龍寨 縣東五里

天河寨 縣南四十五里

金花寨 縣西南四里相傳為金花小姐屯兵處國初知  
縣賀繩烈改名凌雲寨

宋家寨 縣西南六十里

雞冠寨 縣西南七十里

石人寨 縣西一百里

朝陽寨 縣西一百二十里

烟墩寨 縣西九十里



南關堡 縣西今廢

盧家寨 縣西

太平寨 縣西

滴水灘 縣北三十里

小寨 縣北五里

圓灣寨 縣北二十五里

簸箕寨 縣東北八里

康家寨 縣東北二十里

黃花寨 縣東北二十里

李家寨 縣西北七十里

磨溝寨 縣西北八十五里

鄖西縣志

卷三

輿地志關寨

毛家寨 縣

萬家寨 縣

廟川堡 縣西北二百六十里嘉靖八年因楊文政之亂

都御史潘旦奏設以鄖陽衛百戶一員屯軍

一百名戍守明季廢

見府志

按順治初知縣賀繩烈設三十六寨除凌雲等寨已載外

餘皆不可考南關堡廟川堡見府志

知縣林瑞枝稟覆鄖西無容建礮詳文

為詳覆事案奉 各憲札飭各就地方形勢修設礮卡一

案飭即查照辦理等因轉行下縣奉此遵查 卑縣地方毗

連三省僻處萬山東有石溝關南有界牌關東南有火車



大南正南關西南有榆樹關馬鞍關鎮西關西北有李四  
紋長大勝關洵爲羊腸九曲鮮周道之馳驅虎嘯千層實  
楚北之屏翰是以嘉慶初年教匪甫靖孔前令辦理善後  
鳩工據險建關數十年承平康樂半多傾圮翁前令思患  
預防光復舊址各關俱徵鞏固同治元年髮逆竄陷縣城  
城垣各關多被折毀卑職滌蒙 憲恩委署縣篆辦理善  
後事宜履任之始髮捻鴟張於外會匪蜂起於內處處喫  
緊在在宜防卑職當即會集紳董葉年棗等籌費集團趕  
將毀壞城垣關卡一律修復集團設防仰邀 憲恩疊次  
撥兵援應駐守髮捻各匪未能逞志卑邑藉得保全仰賴  
兵威亦資地利至距縣寫遠之湖北口蒿坪關一天門三

鄖西縣志

卷三

輿地志關寨

五

天門尤槐溝等處或鄂邊門戶或保障西津或天梯石棧  
陡崖峭壁或鳥道崎嶇硯天一線均應一體憑險建卡藉  
資捍衛卑職上年正月周歷邊境富即勘險籌費委派紳  
士李長枝等先後興工建卡設防七月以來藍逆竄踞米  
糧川數月之久各紳團據險固守該逆未能闌入均經隨  
時稟明在案以上各處山險溝狹均有關隘可守審其形  
勢似無容於建礮所虞者惟漫川關至上津夾河順河一  
路水勢之消長無常陸路之寬狹靡定沿河設防山巔頭  
頭是道倚山爲壘河邊面面皆途且與秦省山陽鎮安犬  
牙交錯實有防不勝防之勢此藍逆小醜所由乘隙而入  
也謹即查明各路形勢不宜建礮緣由申詳查核施行



壇廟附

古者設壇以祀天地名山大川燎火郊禋典禮著也廟祀未祧之祖祠存時祭之名自秦時宗廟易制而外神亦得以廟稱之後世郡邑建有廟祠者春蒸秋嘗以載在祀典為斷至若遺愛及民舊德未湮者馨香亦時及也曷敢判軒輊歟

壇

社稷壇在縣城外西北祭壇廣二丈五尺高三尺不屋三面陞各三級神臺一座右社左稷以石為圭康熙年間知縣陳智先鑄稱社稷之神半埋於壇正中祭以春秋仲月上戊日其儀注與祭先農壇同上津縣設於故治之西順治十六年廢

鄭西縣志

卷三

輿地志壇廟

六

祭品

帛一 黑色 礪一 和羹 邊四 無定 豆四 無定  
豕一 羊一 簋二 黍稷 簋二 稻粱

欽定社稷壇祭文 維年月日致祭於 社稷之神曰惟神奠定九州粒食萬邦分五色以表封圻育三農而蕃稼稽恭承守土肅展明禋時屆仲秋敬脩祀典九九松栢鑿磐石於無疆翼翼黍苗佐神倉於不匱尚 享

按通典顓頊祀共工氏子勾龍為社烈山氏子柱為稷商以后稷代柱後代因之鄭康成謂社稷乃五土原隰之神而后稷勾龍以功配則所主不同漢以禹代之明又以禹既祀歷代帝王稷亦祀先農遂罷配享專祀土穀



爲社稷郡縣悉得舉行

風雲雷雨山川壇在縣治西南祭壇不屋三面陞各三級神臺一座設立石主埋於正中中風雲雷雨左山川右城隍祭以春秋二仲上戊日其儀注祭品視社稷上津縣舊壇設馬鞍川後因地入鄆西改設治南順治十六年歸併鄆西廢

欽定風雲雷雨山川城隍祭文 維年月日致祭於 風雲雷雨山川城隍之神曰惟神贊襄天澤福佑蒼黎佐靈化以流形生成永賴乘氣機而鼓盪溫肅攸宜磅礴高深長保安貞之吉憑依鞏固實資捍禦之功幸民俗之殷盈仰神明之庇護恭脩歲序正值良辰敬潔豆籩祇陳牲幣尙 享

按風師箕星雨師畢星祀見周官宗伯秦漢隋唐皆有祭

鄆西縣志

卷三

輿地志壇廟

七

天寶中增祀雷師宋元因之明洪武六年詔各省郡縣祭風雲雷雨及境內山川之神共爲一壇設二神位我

朝增祀本縣城隍凡三主及上戊日先祭風雲等神次社稷  
雩祭在縣治東門城外乾隆七年奉 文每歲初夏在先農壇行禮其儀注品物視社稷

欽定常雩祭文 維年月日致祭於 社稷先農山川之神曰恭膺詔命撫育羣黎仰體彤庭保赤之誠勤農勸稼俯懷鄙屋資生之木力稽服田令甲爰頒肅舉祈年之典惟寅將事用申守土之忱黍稷惟馨尙冀明昭之受賜來牟率育庶俾豐裕於蓋藏尙 享

按周禮曠旱則舞雩月令仲夏命有司爲民祈祀山川百



源乃命百縣雩祀春秋傳曰諸侯雩於境內山川陳滸  
曰雩者吁嗟其聲以求雨之祭也後世因之合祭社稷  
先農山川

先農壇在縣治東門外大門一進中設神壇一座內堂三間外墻  
兩列置藉田四畝九分年收稻穀以供祭費自雍正四年始蓋  
欲使各省府州縣知稼穡之艱也

儀注禮生引承祭官至拜位通贊唱執事者各司其事陪祭  
官各就位承祭官就位通贊唱瘞毛血禮生引詣盥洗所  
贊盥洗淨巾引詣香案前贊迎神行二跪六叩禮興行初  
獻禮引詣 神位前跪奠帛獻爵叩興詣讀祝位跪衆官  
皆跪宣祝文畢叩興禮生贊復位通贊唱行亞獻禮引詣

鄖西縣志 卷三 輿地志 壇廟

八

神位前跪獻爵叩興通贊唱行三獻禮如亞獻儀通贊唱  
飲福受胙禮生贊詣飲福受胙位跪飲福酒受胙肉跪叩  
興謝胙一跪三叩興復位通贊唱徹饌送神行二跪六叩  
禮通贊唱司祝者捧祝司帛者捧帛各詣燎所禮生贊詣  
燎位焚畢揖復位通贊唱禮畢各官更蟒服詣藉田行耕  
藉儀印官秉耒佐雜捧青箱播種各九推農夫終畝耕畢  
更朝衣望

闕行三跪九叩禮以耕藉日期具報

祭品

帛一 白色 礪一 和羹 羊一 豕一 簋二 黍稷

簋二 稻粱 籩四 無定 豆四 臨定



耕藉器物

農具 赤色牛一 黑色籽種一 青色

欽定先農壇祭文 維年月日致祭於 先農之神曰惟神肇興  
稼穡粒我蒸民頌思文之德克配彼天念率育之功常陳時夏  
茲當東作咸服先疇洪惟九五之尊歲舉三推之典恭膺守土  
敢忘勞民謹奉彝章聿脩祀事惟願五風十雨嘉祥恒沐於神  
麻庶幾九穗雙岐上瑞頻書於大有尙 享

欽定崇祭文附 維年月日致祭於 城門之神曰  
詔命臨民職司守土惟兆人之攸賴並藉神功冀四祀之常調羣  
蒙福蔭必使雨暘應候爰占物阜而民安庶其寒燠咸宜共慶  
時和而歲稔仰靈樞之默運聿集嘉祥襄元化以流行俾無菑

鄭西縣志 卷三 輿地志 壇廟

九

害尙 享

按周禮地官黨正春秋祭禜春官鬯人禜門用瓢齋注瓢  
齋取甘瓠割去蒂以齋為尊齋下裝也左傳叔向以晉  
侯之疾問子產對曰山川之神則水旱癘疫之災於是  
乎禜之日月星辰之神則雪霜風雨之不時於是乎禜  
之祭雖間行要皆以為民也

欽定龍神祭文 附 維年月日致祭於 龍神曰惟神德洋寰海  
澤潤蒼生允襄水土之平經流順軌廣濟泉源之用膏雨及時  
績奏安瀾占大川之利涉功資育物欣庶類之蕃昌仰藉神庥  
宜隆報享謹遵祀典式協良辰敬布几筵肅陳牲幣尙 享

按龍神廟祀於省會西鄭郡偏邑也此典不行緣乾隆九



年

欽定祭文通行府州縣故附志焉

邑厲壇在縣城北門外舊未有壇曠地一所每歲三月清明日七月望日十月朔日屆期迎城隍神位於上列無祀之鬼於側豕一祭品無定下用米爲飯置香燭酒紙隨時取給僧道官率屬

念經

按祭法王祭大厲侯祭公厲大夫祭族厲士喪禮疾病禱於厲鄭注漢時民間皆秋祀厲洪武三年上以兵革之餘死無後者其靈無所依命議舉其禮禮官奏春秋傳曰鬼有所歸乃不爲厲然則鬼乏祭祀而無所歸則必爲害矣今欲舉其祀宜於京都王國各府州縣及里社

鄭西縣志

卷三

輿地志壇廟

十

皆祭之使災厲不作是亦除民害之一端也上然之京都謂之泰厲王國謂之國厲府州謂之郡厲縣謂之邑厲民間謂鄉厲著爲定式

告城隍文爲祭祀本縣無祀鬼神事欽奉 皇帝聖旨普

天之下率土之上無不有人無不有鬼人鬼之道幽明雖殊其理則一今國家治民事神已有定制尙念冥冥之中無祀鬼神昔爲生民未知何故而沒其間有遭兵刃而橫傷者有死於水火盜賊者有被人取財而逼死者有被人強奪妻妾而死者有遭刑禍而負屈死者有天災流行而疫死者有爲猛獸毒蟲所害者有爲饑餓凍死者有因戰鬥而殞身者有因危急而自縊者有因牆屋傾頽而壓死



者有死後無子孫者此等鬼魂或終於前代或沒於近世或兵戈擾攘流移於他鄉或人烟斷絕久缺其祭祀姓名泯沒於一時祀典無聞而不載此等孤魂死無所依精魄未散結爲陰靈或依草附木或作爲妖怪悲號於星月之下呻吟於風雨之時凡遇人間節令心思陽世魂杳杳以無歸身墮沈淪意懸懸而望祭興言及此憐其慘悽故飭天下有司依時享祭命本處城隍以至此祭鎮控壇場鑒察諸神等類其中果有生爲良善誤遭刑禍死於無辜者神當達於所司使之還生中國永享太平之福如有素爲兇頑身死刑戮雖獲善終實出僥倖者神當達於所司屏之四遠善惡之報神必無私欽奉如此某等不敢有違謹

鄆西縣志

卷三

輿地志壇廟

十一

於某年月日設壇於北郭外置備牲醴羹飯享祭本縣無祀鬼神等眾然幽明異境人力難爲必資神力庶得感通今特移文於神先期分遣諸將召集本縣闔境鬼靈等至日悉赴壇所普享一祭神當欽承勅命鎮控壇場鑒察善惡無私昭報爲此合行移牒請照驗欽依施行

廟

武廟祭祀溥徧六合由侯而王而帝褒崇盛典彌陟彌上原在南門內康熙中移建南關外雍正九年知縣馬坦貢生梁鳳翥生員向日瓊督建三公祠廟北今爲山陝會館仍祀闕聖乾隆二十五年知縣王必昌緣梓潼廟改建武廟在西津書院前大門三間正殿三間塑像其中因殿宇不甚寬敞商之士庶設立



拜壇三間後殿三間以奉三代東西各兩廂房又廟三間在縣治東門外營中同里人設立另祀餘如縣東東營縣西六官坪馬鞍川板橋河土門舖上津堡縣北大黃溝以及香口過風樓均各有廟里民香火不絕乾隆四十五年知縣張曾秀捐廉增脩乾隆五十一年知縣游殷亨續脩並建戲樓頭門臨街市房七間董事貢生胡學洙全學文職員夏敬忠周紹武監生周之琯各捐銀百餘金始得竣事嘉慶二年寇擾焚燬頭門嘉慶七年知縣孔繼榘重脩並建三代祠於正殿左以後殿祀定光佛增脩正後殿三楹祀如來佛每值旱澇祈禱輒應

元天歷元年封關聖為顯靈威勇武安英濟王明初不仍元封稱漢前將軍壽亭侯嘉靖十年始訂其誤改稱漢前將軍漢壽

鄭西縣志

卷三 輿地志 壇廟

亭侯考漢壽亭侯壽亭今鄆州侯非萬歷二十年賜廟額曰英烈

國朝順治元年定每年五月十三日致祭順治九年

勅封忠義神武關聖大帝歲五月十三日致祭其所在郡縣春秋

二仲祠祀牲用太牢雍正三年追封三代公爵官其後裔為五

經博士令州縣皆建專祠春秋以太牢祀乾隆三十二年

加封忠義神武靈佑關聖大帝

祭品

帛一 白色 牛一 豕一

羊一 籩十 豆十

五月十三日祭品

帛一 白色 牛一 豕一



羊一 餘全或用時果五盤

後殿祀三代祭品

帛各一

豕各一

羊各一

邊豆各八

乾隆九年

欽定祭文 維年月日致祭於

忠義神武靈佑關聖大帝曰惟帝浩氣凌霄丹心貫日扶正統而彰信義威震九州完大節以篤忠貞名高三國神明如在徧祠宇於寰區靈應丕昭薦馨香於歷代屢徵異蹟顯佑羣生恭遇嘉辰遵行祀典筵陳邊豆几奠牲醪尙 享

欽定三代祭文 維年月日致祭於

鄖西縣志

卷三 輿地志 壇廟

十三

曾祖光昭公 祖裕昌公 父成忠公曰惟公世澤貽麻靈源

積慶德能昌後篤生神武之英善則歸親宜享尊崇之報刻上公之封爵錫命攸隆合三世以肇禋典章明脩恭誦青目祇事薦馨尙 享

咸豐四年奉

旨勅封

關聖帝君升入宗祀並

加封

關帝先代

曾祖光昭公著加封為光昭王

祖裕昌公著加封為裕昌王



父成忠公著加封為成忠王

春二季祝文

維年月日致祭於

忠義神武靈佑仁勇威顯護國保民綏靖

關聖大帝神位前曰惟神星日英靈乾坤正氣允文允武紹聖學

於千秋至大至剛顯神威於六合仰聲靈之赫濯崇典禮

於馨香茲當仲春用昭時饗惟祈

昭格克鑒精虔尙 饗

關帝廟五月十三日告祭文

維年月日

皇帝遣 致祭於

鄖西縣志

卷三

輿地志壇廟

十四

關聖大帝神位前曰惟神九宇承庥兩儀合撰崧生嶽降溯誕聖

之靈辰日午天中居恢台之令序聰明正直壹者也千秋

徵肸饗之隆盛德大業至矣哉六幕肅馨香之薦爰備懋

典式展明禋苾芬時陳精誠

鑿格尙 饗

儀注

祭日贊引生引承祭官進左旁門至盥洗所贊盥洗盥洗

畢引至拜壇行禮處立典儀唱執事者各司其事贊引生

贊就位引承祭官就位立典儀唱迎神司香生捧香盒就

香爐左邊立贊引生引承祭官就香爐前立司香生跪贊

引生贊上香承祭官立將炷香接舉插爐內又上塊香三



次畢贊引生贊復位承祭官復位立唱設饌迎神舉迎神樂奏格平之章贊引生贊跪叩興承祭官行三跪九叩禮典儀唱奠帛爵行初獻禮捧帛爵生將帛爵捧進

神位前奠帛生跪獻舉行二叩禮退立執爵生立獻畢唱舉初獻樂奏翊平之章退樂止唱讀祝文贊引生引詣讀祝位讀祝生詣讀祝文案前行一跪三叩禮捧起祝文立贊引生贊跪承祭官讀祝生俱跪贊讀祝讀畢捧至

神位前跪安盛帛匣內舉行三叩禮退贊引生贊叩興承祭官行三叩禮立典儀唱行亞獻禮執爵生照初獻禮獻畢退唱舉亞獻樂奏恢平之章典儀唱行三獻禮執爵生照亞獻禮獻畢退唱舉三獻樂奏靖平之章典儀唱徹饌舉

鄖西縣志

卷三

輿地志壇廟

十五

徹饌樂奏葵平之章唱送神舉送神樂奏康平之首章贊引生贊跪叩興承祭官行三跪九叩禮立典儀唱捧祝帛香饌各詣燎位捧祝帛香饌生各捧祝帛香饌依次捧送承祭官退西旁立候各捧生過畢復位立贊引生贊詣望燎位焚訖唱奏康平之次章贊引生贊禮畢其祀三代儀注行二跪六叩禮餘同前

樂章

迎神樂格平之章

懿灋兮焜煌神武靈兮赫八方偉烈昭兮累禩祀事明兮永光達精誠兮黍稷馨香儼如在兮洋洋

初獻樂翊平之章



英風颯兮神格思紛羽蓋兮龍旂軒桂醕兮盈卮香始升  
兮明粲惟降鑒兮在茲流景祚兮翊昌時

亞獻樂恢平之章

觴再酌兮告虔舞干戚兮合宮懸歆苾芬兮潔蠲扇魏顯  
翼兮神功宣

終獻樂靖平之章

鬱鬯兮三申羅邊簋兮畢陳儀卒度兮肅明禋神降福兮  
宜民宜人

徹饌樂彞平之章

物惟備兮咸有明德惟馨兮神其受告徹兮禮終罔咎佑  
我家邦兮孔厚

鄖西縣志

卷三

輿地志壇廟

十六

送神樂康平之首章

幢葆威蕤兮神聿歸馭鳳軫兮騶虬駢降烟燼兮餘飭願  
回靈盼兮德洽明威

望燎樂康平之次章

焄蒿烈兮燎有輝神光遙燭兮祥雲霏祭受福兮茂典無  
違庶揚駿烈兮永奠疆畿

城隍廟在城內十字街武廟右頭門三間戲臺一座左右廂房各  
三間拜亭三間正殿三間後殿三間左右廂房各三間成化戊  
戌冬知縣侯爵建嘉靖七年災主簿楊誠重建後遭兵燹脩葺  
無可考康熙四十六年知縣秦國龍龔克庸耆民江惠民等督  
工重脩大殿五楹乾隆十三年知縣臧茂生重脩拜亭塑司曹



像乾隆三十一年知縣劉可考建後殿俱有碑記其殿宇及鐘鼓二樓道官王金朝鳩工修建時有陳復貴徐景祿等捐助王金相鍾典謨姚啟元羅宗珩等募化上津城隍廟順治十六年省上津歸併鄖西遂廢地基尚存

嘉慶二年鄖西匪亂廟燬於賊僅存寢殿三楹三年民重修大殿戲樓頭門兵燹之餘措捐匪易閱數載始告成道光年間歷加增修同治元年粵逆竄擾兩廊戲樓頭門被賊焚燬同治二年知縣林瑞枝重修兩廊頭門同治四年知縣程光第重修戲樓

按城隍之設由來久矣命名之意本於易城復于隍其見於史者吳赤烏二年建蕪湖城隍廟比齊書慕容儼鎮

鄖西縣志

卷三

輿地志壇廟

十七

鄖州禱城隍祠宋元以來祠宇浸廣明洪武二年封爲監察司民城隍顯佑伯秩正四品三年又詔去封號止稱某府州縣城隍之神我

朝厲祭主焉春秋則祭於風雲雷雨山川壇其儀汪祭品各附

城隍廟田地

乾隆十一年黎守印施有山地一分坐落觀音堡上陰家溝

乾隆十四年王治均王成甲施有山地一分坐落閭家堡石人溝又山地一分坐落閭家堡乾溝

乾隆五十七年胡啟遠施有山地一分坐落賈家坊東



乾隆五十八年張子成施有山地一分坐落閭家堡下溝口

八蜡廟在縣治西門外康熙四十七年里民建瓦屋一間設牌位乾隆十二年罷祀三十一年重建正殿三楹三十五年建拜亭今移祀縣東南五里青龍觀並祀 劉猛將軍西門外廟基廢茅山神廟在縣西北茅家溝嘉慶三年建四川將軍一等繼勇侯德榜泰撰有記

### 茅山廟田地

廟基址坐落茅家溝陰陽兩岸東至陽坡乾溝口石巖上梁西至陰坡吳首魁小梁地畔南至乾溝河心高常安地畔直上大梁北至徐首輝小梁直上圓嶺

## 鄖西縣志

### 卷三

輿地志壇廟

十六

蕭公祠原在縣署頭門內歲祀以仲春秋上戊後移南門甕城內地隘寓祭城隍廟乾隆二十四年移建縣署始建頭門之左其土地祠在頭門之右各三間

火神廟在縣治南門內今移城外康熙五十二年知縣秦國龍重修正殿三間乾隆二十三年里民捐脩山門二十四年修戲樓一座三十一年知縣劉可考建拜亭三間並道房火房各一間原公祠在今武廟左城隍廟右祀明撫治鄖陽都御史原公傑成化十九年知縣侯爵建嘉靖四十四年知縣孫袞重修兵寇後典史借爲衙署乾隆二十四年移建縣署卽將此祠與千總衙署更換現作千總署祠廢時議重建

忠烈祠祀明左參政朱裒在文廟西偏嘉靖三十四年勅建諭祭



立碑明季燬於兵雍正五年知縣錢家暨將舊址建爲節孝祠  
乾隆九年里士毀其碑爲他用現議重建

吳忠烈祠在居仁街祀明贈文林郎吳應元天啟三年勅建明季  
圯現議脩

忠義祠在縣署右西橫街官基內同治二年奉

旨建修正殿三楹廊房各三楹中祀元年殉難邑侯梁公懋齡學博  
蔡公以儲守戎柴公文玉閤邑官紳附焉東廊祀義勇西廊祀  
節烈殿外建牌坊書殉節婦女姓氏於其上每歲以 頒祀昭  
忠之日爲祀事期祭銀尙未奉 頒暫以充入祠內田地租課  
挪辦

知縣林瑞枝撰擬忠義祠祭文

### 鄖西縣志

#### 卷三

輿地志 壇廟

興廢者運會之權死生者陰陽之鍵况值囂塵之劫莫回  
造物之春梟逆長毛峰屯肆擾私開地穴巧避天威慘西  
邑人民遭北門傾缺城陷甘蹈白刃巷戰直犯青鋒殺賊  
一呼赤子皆挺身抗敵貞操同凜紅顏盡引頸投繯或罵  
賊而亡身或從井以全節捐軀報國視死如歸取義成仁  
亦壯亦烈蒼蒿滿地斑斑血迹猶存白骨如山纍纍殘骸  
誰主想月落烏啼之候壯志如生當春露秋霜之時貞魂  
何慰七尺之軀不惜

九重之詔頻頒特建專祠優加卹典紳民並附渥澤均沾  
嗚呼惠及黃泉百代馨香罔替名標青史千秋忠義常昭  
尚 亭



知縣程光第撰擬忠義祠祭文

浩劫猝臨孤城櫻守心堅鐵石氣壯河山禦梟獍猖狂合  
衆志而同甘一死遭犬狼殘毒設詭計而戕害羣生志士  
仁人捐軀報國貞媛淑女盡節完名注冤血之成渠積遺  
骸之塞路變生不測輒悲百族何辜

恩有獨隆宜沐

九重厚卹賞春秋之二祭用慰幽魂萃忠烈於一祠特昭  
大節嗚呼痛哉尚其來饗

忠義祠田地

雙掌保東洞溝楊家灣陰陽二坡山地一分東南均抵陶  
長興地畔西抵楊永太地畔北抵圓嶺地內列架瓦房

鄖西縣志

卷三

輿地志壇廟

二十

一間草房四間

雙掌保黃金溝山地一分東抵儲姓地畔直上圓嶺南抵  
溝心西抵古墳後斜上小梁分水直上大圓嶺北抵圓  
嶺分水

雙掌保柏家溝陰陽二坡山地一分東抵溝心南抵張文  
光瓦房山墻直上山尖西抵小子梁北抵楊灑春地畔  
直上圓嶺下段坐落陳家扒東抵張文光地畔小子梁  
直上南抵溝心直上大梁西抵圓嶺北抵圓嶺地內草  
房三間

義勇祠在上津堡嘉慶七年建有記

義勇祠田地



千軍嶺陽坡地一分坐落下溝東抵阮姓地畔小梁西抵大梁南抵溝心北抵吳姓地畔

千軍嶺上溝陽坡地一分東抵吳姓地畔南抵陰坡楊安須地畔小梁西抵大梁北抵大梁

泗峪河田地一分坐落東河坪抵羅姓地畔東中抵張姓地溝直上南抵大河水心西抵吳姓地畔土地廟上橫路北抵康姓橫過大溝端上圓嶺

孔公祠在學宮對街嘉慶十年建祀知縣孔繼榭牌位每歲以九月二十四日誕辰致祭

翁公祠舊在武廟東偏祀知縣翁吉士牌位同治元年匪亂祠燬今移考棚龍門外左側每歲以四月初七日誕辰致祭

鄆西縣志

卷三

輿地志壇廟

二十一

林公祠在考棚龍門外右側祀知縣林瑞枝長生牌位每歲以正月二十六日誕辰稱祝

程公祠在書院前建小廳三楹祀知縣程光第長生牌位每歲以正月二十九日誕辰稱祝

按州縣各祠載在祀典者或頒帑項或撥丁稅爲時祭資西津各邑侯生祠之建固民戴盛德永矢弗諼之意歲值誕辰紳耆士庶羣聚慶祝葵棗雞豚之獻舊從官山租稞內動撥不需頒派之款用酬司牧之恩垂諸竹帛以昭來茲